

卷十二

書名 尚書註疏二十卷
 撰者 漢 孔安國 傳, 唐 陸德明
 音義, 唐 孔穎達 疏
 卷 卷十二
 內容分類 經 書 唐
 索書號 經部-彙刻-1
 編號 A097900

[彩色首頁1](#)

[東洋文化研究所漢籍目錄 編號: A097900](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本](#) [尚書註疏二十卷](#)

版權所有: [東京大學](#) [東洋文化研究所](#)

[使用上的注意事項](#)

尚書註疏卷第一

漢孔氏序

唐孔穎達疏

尚書序

釋文 此孔氏所作述尚書起之時代并敘為注之由故相承講之今依舊為音

疏 曰道正義

本沖寂非有名言既形以道生物由名舉則凡諸經史因物立名物有本形形從事著聖賢闡教事顯於言言愜羣心書而示法既書有法因號曰書後人見其久遠自於上世尚者上也言此上代以來之書故曰尚書且言者意之聲書者言之記是故存言以聲意立書以記言故易曰書不盡言言不盡意是言者意之筌蹄書言相生者也書者舒也書緯璿璣鈴云書者如也則書者寫其言如其意情得展舒也又劉無釋名云書者庶也以記庶物又為著言事得彰著五經六籍皆是筆書此獨稱書者以彼五經者非是

東方化學院東京研究所

No. 2390

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24



尚書註疏卷第十二

漢孔氏傳

唐孔穎達疏

洪範第六

周書

武王勝殷殺受立武庚

子以為王者後一名祿父

範歸鎬京箕子作之

至洪範正義曰武王伐殷既勝殺受立其子武庚為殷後以箕子歸鎬京訪以天道箕子為陳天地之

以箕子歸作洪

範音范鎬胡老反本

大法敘述其事作洪範此惟當言箕子歸耳乃言殺受立武庚者序自相顧為文上武成序云武王伐殷故此言勝之下微子之命序云黜殷命殺武庚故此言立之序言此以順上下也○傳不放至祿父○正義曰放桀也湯放桀此不放而殺之者紂自焚而死也殷本紀云紂兵敗紂走入登鹿臺衣其寶玉衣赴火而死武王遂斬紂頭懸之太白旗是也泰誓云取彼凶殘則志在於殺也死猶斬之則生亦不放傳據實而言之耳本紀云封紂子武庚祿父以續殷祀是以為王者後也本紀武庚祿父雙言之伏生尚書傳云武王勝殷繼公子祿父是一名祿父也鄭云武庚字祿父春秋之世有齊侯祿父蔡侯考父季孫行父父亦是名未必為字故傳言一名祿父○傳歸鎬至作之○正義曰上篇云至于豐者文王之廟在豐至豐先告廟耳時王都在鎬知歸者歸鎬京也此經文旨異於餘篇非直問答而已不是史官敘述必是箕子既對武王之問退而自撰其事故傳特云箕子作之書傳云武王釋箕子之囚箕子不忍周之釋走之



朝鮮武王聞之因以朝鮮封之箕子既受周之封不得無臣禮故於十二祀來朝武王因其朝而問洪範案此序云勝殷以箕子歸明既釋其囚即以歸之不容其走去而後來朝也又朝鮮去周路將萬里聞其所居然後封之受封乃朝必歷年矣不得仍在十三祀也宋世家云既作洪範武王乃封箕子於朝鮮得其實也

洪範 洪大範法也言天地之大法

洪範○正義曰此經

開源於首覆更演說非復一問一答之勢必是箕子自為之也發首二句自記被問之年自王乃言至彝倫攸敘王問之辭自箕子乃言至彝倫攸敘言禹得九疇之由自初一日至威用六極言禹第敘九疇之次自一五行已下箕子更條說九疇之義此條說者當時亦以對王更復退而修撰定其文辭使成典教耳○傳洪大至大法○正義曰洪大範法皆釋詁文

惟十有三祀王訪于箕子

傳

商曰祀箕子稱祀不忘本

此年四月歸宗周先告武成次問天道王乃言曰

呼箕子惟天陰騭下民相協厥居

傳

騭定也天不言

而默定下民是助合其居使有常生之資

傳 ○陰默也馬云覆也

騭之逸反馬云升也升猶舉也舉猶生也相息亮反助也

我不知其彝倫攸敘

傳

言我不知天所以定民之常道理次敘問何由

反


疏 惟十至攸敘 ○正義曰此箕子陳主問已之年

箕子即陳其問辭王乃言曰嗚呼箕子此上天不言

而默定下民佑助諧合其安居使有常生之資我不

知此天之定民常道所以次敘周天意何由也

商曰至天道 ○正義曰商曰祀周曰年釋天文案此



周書也泰誓稱年此獨稱祀故解之箕子稱祀不忘本也此篇箕子所作箕子商人故記傳引此篇者皆云商書曰是箕子自作明矣序言歸作洪範似歸即作之嫌在武成之前故云此年四月歸宗周先告武成次問天道以次在武成之後故知先告武成也

傳 騭定至之資 ○正義曰傳以騭即質也質訓為成成亦定義故為定也言民是上天所生形神天之所授故天不言而默定下民羣生受氣流形各有性靈心識下民不知其然是天默定也相助也協合也助合其居者言民有其心天佑助之令其諧合其生出言是非立行得失衣食之用動止之宜無不稟諸上天乃得諧合失道則死合道則生言天非徒賦命於人授以形體心識乃復佑助諧合其居業使有常生之資九疇施之於民皆是天助之事也此問答皆言乃者以天道之大沈吟乃問思慮乃答宣八年公羊傳曰乃緩辭也王肅以陰騭下民一句為天事相協以下為民事註云陰深也言大深定下民與之五常之性王者當助天和合其居所行天之性我不知常

道倫理所以次敘是問承天順民何所由與孔異也箕子乃言曰我聞在昔鯀

墮洪水汨陳其五行傳墮塞汨亂也治水失道亂陳

其五行傳○鯀工本反墮音因汨工忽反行戶更反帝乃震怒不畀洪範九

疇彝倫攸斃傳畀與斃敗也天動怒鯀不與大法九


疇疇類也故常道所以敗傳○畀必二反徐甫至反註

反敗也傳鯀則殛死禹乃嗣興傳放鯀至死不赦嗣繼也

廢父與子堯舜之道傳○殛紀力反或作極音同天乃錫禹洪範九

疇彝倫攸敘傳天與禹洛出書神龜負文而出列於

背有數至于九禹遂因而第之以成九類常道所以



次敘傳○錫星傳箕子至攸敘傳○正義曰箕子乃言答

道是乃亂陳其五行而逆天道也天帝乃動其威怒

不與鯀大法九類天之常道所以敗也鯀則放殛至

死不赦禹以聖德繼父而興代治洪水決道使通天

乃賜禹大法九類天之常道所以得其次敘此說其

得九類之由也傳○墮塞至五行傳○正義曰襄二十

五年左傳說陳之伐鄭云井墮水刑謂塞其井斬其

木是墮為塞也汨是亂之意故為亂也水是五行之

一水性下流鯀反塞之失水之性水失其道則五行

皆失矣是塞洪水為亂陳其五行言五行陳列皆亂

也自古以來得九疇者惟有禹耳未聞餘人有得之者也若人皆得之鯨獨不得可言天帝怒鯨餘人皆不得獨言天怒鯨者以禹由治水有功故天賜之鯨亦治水而天不與以鯨禹俱是治水父不得而子得之所以彰禹之聖當於天心故舉鯨以彰禹也○**傳**放鯨至之道○正義曰傳嫌極謂被誅殺故辯之云放鯨至死不赦也嗣繼釋詁文三代以還父罪子廢故云廢父與子堯舜之道賞罰各從其實為天下之至公也○**傳**天與至次敘○正義曰易繫辭云河出圖洛出書聖人則之九類各有文字即是書也而云天乃錫禹知此天與禹者即是洛書也漢書五行志劉歆以為伏羲繫天而玉河出圖則而畫之八卦是也禹治洪水錫洛書法而陳之洪範是也先達共為此說龜負洛書經無其事中候及諸緯多說黃帝堯舜禹湯文武受圖書之事皆云龍負圖龜負書緯候之書不知誰作通人計覈謂偽起哀平雖復前漢之末始有此書以前學者必相傳此說故孔以九類是神龜負文而出列於背有數從一而至於九禹見其



文遂因而第之以成此九類法也此九類陳而行之常道所以得次敘也言禹第之者以天神言語必常簡要不應曲有次第可傳寧若此故以為禹次第之禹既第之當有成法可傳應人盡知之而武王獨問箕子者五行志云聖人行其道而寶其真降及於殷箕子在父師之位而典之周既克殷以箕子歸周武王親虛已而問焉言箕子典其事故武王特問之其義或當然也若然大禹既得九類常道始有次敘未有洛書之前常道所以不亂者世有澆淳教有疎密三皇以前無文亦治何止無洛書也但既得九類以後聖王法而行之從之則治違之則亂**初一日五行傳**故此說常道攸敘攸斲由洛書耳

九類類一章以五行爲始次二曰敬用五事**傳**五事

在身用之必敬乃善次三曰農用八政**傳**農厚也厚

用之政乃成○農馬云食爲入政次四曰協用五紀

傳 協和也和天時使得正用五紀次五曰建用皇極

傳 皇大極中也凡立事當用大中之道次六曰又用

三德傳 治民必用剛柔正直之三德次七曰明用稽

疑傳 明用上筮考疑之事次八曰念用庶徵次九曰

嚮用五福威用六極傳 言天所以嚮勸人用五福所

以威沮人用六極此已上禹所第敘 許兩反沮在汝

反此已上時掌反禹所第敘馬云從五行已下至六

疏 初一至六極○正義曰天所賜禹大法九類者初

事次三曰厚用接物八品之政教次四曰和用天象

五物之綱紀次五曰立治用大為中正之道次六曰

治民用三等之德次七曰明用六筮以考疑事次八

曰念用天時象氣之應驗次九曰嚮勸人用五福威

沮人用六極此九類之事也○**傳** 農厚至乃成○正

義曰鄭玄云農讀為醲則農是醲意故為厚也政施

於民善不厭深故厚用之政乃成也張晏王肅皆言

農食之本也食為入政之首故以農言之然則農用

止為一食不兼入事非上下之例故傳不然入政三

德總是治民但政是被物之名德是在已之稱故分


為二疇也○**傳** 協和至五紀○正義曰協和釋詁文

天是積氣其狀無形列宿四方為天之限天左行晝


夜一周日月右行日遲月疾周天三百六十五度有

餘日則日行一度月則日行十三度有餘日月行於

星辰乃為天之曆數和此天時令不差錯使行得正



正義曰貧弱等六者皆謂窮極惡事故目之六極也
 福者人之所慕皆嚮望之極者人之所惡皆畏懼之
 勸勉也勉之為善沮止也止其為惡福極皆上天為
 之言天所以嚮望勸勉人用五福所以畏懼沮止人
 用六極自初一日已下至此六極已上皆是禹所次
 第而敘之下文更條此九類而演說之知此九者皆
 禹所第也禹為此者蓋以五行世所行用是諸事
 之本故五行為初也發見於人則為五事故五事為
 二也正身而後及人施人乃名為政故入政為三也
 施人之政用天之道故五紀為四也順天布政則得
 大中也故皇極為五也欲求大中隨德是任故三德為
 六也政雖在德事必有疑故稽疑為七也行事在於
 政得失應於天故庶徵為八也天監在下善惡必報
 休咎驗於時氣禍福加於人身故五福六極為九也
 皇極居中者總包上下故皇極傳云大中之道大立
 其有中謂行九疇之義是也福極處末者顧氏云前
 八事俱得五福歸之前八事俱失六極臻之故福極
 處末也發首言初一其末不言終九者數必以一為



始其九非數之終故從止言次而不言終也五行不
 言用者五行萬物之本天地百物莫不用之不嫌非
 用也傳於五福六極言天用者以前並是人君所用
 五福六極受之於天故言天用傳言此禹所第敘不
 知洛書本有幾字五行志悉載此一章乃云凡此六
 十五字皆洛書本文計天言簡要必無次第之數上
 傳云禹因而第之則孔以第是禹之所為初一日等
 二十七字必是禹加之也其敬用農用等一十八字
 大劉及顧氏以為龜背先有總三十八字小劉以為
 敬用等亦禹所第敘其龜文惟有二十字並無明據
 未知孰是故兩存焉皇極不言數者以總該九疇理
 兼萬事非局數能盡故也稽疑不言數者以卜五筮
 二共成爲七若舉卜不得兼筮舉筮不得兼卜且疑
 事既衆不可以數總之故也庶徵不言數者以庶徵
 得爲五休失爲五咎若舉休不兼咎舉咎不兼休若
 休咎並言便爲十事本是五物不可言十也然五福
 六極所以善惡皆言者以沮勸在下故丁寧明言善
 惡也且庶徵雖有休咎皆以念慮包之福極嚮威相

反不可一言為目故別為文焉知五福六極非各分為疇所以共為一者蓋以龜文福極相近一處故禹第之總為一疇等行五事所以福五而極六者大劉以為皇極若得則分散總為五福若失則不能為五事之主與五事並列其咎弱故為六也猶詩平王以後與諸侯並列同為國風焉咎徵有五而極有六者五徵傳云皇之不極厥罰常陰即與咎一五行一曰徵常雨相類故以常雨包之為五也


水二曰火三曰木四曰金五曰土傳皆其生數水曰

潤下火曰炎上傳言其自然之常性○炎榮鉗反上時掌反又如字

下木曰曲直金曰從革傳木可以揉曲直金可以收

更○揉如酉反土爰稼穡傳種曰稼斂曰穡土可以種可

以斂潤下作鹹傳水鹵所生○鹹音咸鹵音魯炎上作苦傳



焦氣之味曲直作酸傳木實之性從革作辛傳金之

氣味稼穡作甘傳甘味生於百穀五行以下箕子所

陳疏一五至作甘○正義曰此以下箕子所演陳禹

三重第一言其名次第二言其體性第三言其氣味

言五者性異而味別各為人之用書傳云水火者百

姓之所飲食也是為金木者百姓之所興作也土者萬物

之所資生也是為五行即五材也襄二十七年

左傳云天生五材民並用之言五者各有材幹也謂

之行者若在天則五氣流行在地世所行用也○傳

皆其生數○正義曰易繫辭曰天一地二天三地四

天數五地數五五位相得而各有合此所以成變化而行鬼神謂此也又數之所起起於陰陽陰陽往來在於日道十一月冬至日南極陽來而陰往冬水位也以一陽生為水數五月夏至日北極陰進而陽退夏火位也當以一陰生為火數但陰不名奇數必以偶故以六月二陰生為火數也是故易說稱乾貞於十一月子坤貞於六月未而皆左行由此也冬至以至於夏至當為陽來正月為春木位也三陽已生故三為木數夏至以及冬至當為陰進八月為秋金位也四陰已生故四為金數三月為春之季四季土位也五陽已生故五為土數此其生數之由也又萬物之本有生於無著生於微及其成形亦以微著為漸五行先後亦以微著為次五行之體水最微為一火漸著為二木形實為三金體固為四土質大為五亦是次之宜大劉與顧氏皆以為水火木金得土數而成故水成數六火成數七木成數八金成數九土成數十義亦然也

○傳言其自然之常性○正義曰易文言云水流濕火就燥王肅曰水之性潤萬物而退下




人之性炎盛而升上是潤下炎上言其自然之本性者為器有須曲直也○正義曰此亦言其性也揉曲直可以揉令曲直金可以從人改更言其可為器也木意也由此而觀水則潤下可用以灌溉火則炎上可用以炊爨亦可知也水既純陰故潤下趣陰火是純陽故炎上趣陽木金陰陽相雜故可曲直改更也

○傳種曰至以斂○正義曰鄭玄周禮註云種穀曰稼若嫁女之有所生然則稼是情也言聚蓄之可惜也共為治田之事分為種斂二名耳土上所為故為土性上文潤下炎上曲直從革即是水火木金體有本性其稼穡以人事為名非是土之本性生物是土之本性其稼穡非土本性也爰亦曰也變曰言爰以見此異也六府以土穀為二由其體異故也

○傳水鹵所生○正義曰水性本甘久浸其地變而為鹵鹵味乃鹹說文云鹵西方鹹地東方謂之斥西方謂之鹵禹貢云海濱廣斥是海浸其旁地使之鹹也月令冬云其味鹹其臭朽是也


○傳言曰者言其本性此言作

者從其發見指其體則稱曰致其類即言作下五事
 庶徵言曰作者義亦然也。○**傳**焦氣之味。○正義曰
 火性炎上焚物則焦焦是苦氣月令夏云其臭焦其
 味苦苦為焦味故云焦氣之味也臭之曰氣在口曰
 味。○**傳**木實之性。○正義曰木生子實其味多酸五
 果之味雖殊其為酸一也是木實之性然也月令春
 云其味酸其臭羶是也。○**傳**金之氣味。○正義曰金
 之在火別有腥氣非苦非酸其味近辛故辛為金之
 氣味月令秋云其味辛其臭腥是也。○**傳**甘味生於
 百穀。○正義曰甘味生於百穀穀是土之所生故其
 為土之味也月令中央**二五事一曰貌**。○**傳**容儀。○貌
 云其味甘其臭香是也。**二曰言**。○**傳**詞章。○**三曰視**。○**傳**觀正。○**傳**徐市止反。○**四曰**
貌。○**傳**察是非。○**五曰思**。○**傳**心慮所行。○**傳**息吏反。○**下曰**
恭。○**傳**儼恪。○**傳**儼魚。○**言曰從**。○**傳**是則可從。○**視曰明**。○**傳**必



清審聽曰**聰**。○**傳**必微諦。○**諦**音帝。○**思曰睿**。○**傳**必通於微。○**睿**
 悅歲反。○**恭作肅**。○**傳**心敬從作。○**又**。○**傳**可以治明作。○**哲**
 云通也。○**傳**照了。○**哲**之舌反。○**徐**之。○**聰作謀**。○**傳**所謀必成。○**當**
 丁浪反。○**睿作聖**。○**傳**於事無不通。○**謂之聖**。○**疏**。○**二五至作聖**
 章所演亦為三重第一言其所名第二言其所用第
 三言其所致貌是容儀舉身之大名也言是口之所
 出視是目之所見聽是耳之所聞思是心之所慮
 人之上有此五事也貌必須恭言乃可從視必當明
 聽必當聰思必當通於微密也此一重即是敬用之
 事貌能恭則心肅敬也言可從則政必治也視能明
 則所見照哲也聽能聰則所謀必當也思通微則事
 無不通乃成聖也此一重言其所致之事洪範本體
 與人主作法皆據人主為說貌總身也口言之目視
 之耳聽之心慮之人主始於敬身終通萬事此五事

為天下之本也五事為此者鄭云此數本諸陰陽昭明人相見之次也五行傳曰貌屬木言屬金視屬火聽屬水思屬土五行傳伏生之書也孔於太戊桑穀之下云七日大拱貌不恭之罰高宗雉之下云耳不聰之異皆書傳之文也孔取書傳為說則此之意亦當如書傳也木有華葉之容故貌屬木言之決斷若金之斬割故言屬金火外光故視屬火水內明故聽屬水土安靜而萬物生心思慮而萬事成故思屬土又於易東方震為足足所以動容貌也西方兌為口口出言也南方離為目目視物也北方坎為耳耳聽聲也土在內猶思在心亦是五屬之義也○**傳**察是非○正義曰此五事皆有是非論語云非禮勿視非禮勿聽非禮勿言非禮勿動又引詩云思無邪故此五事皆有是非也此經歷言五名各非善惡之稱但為之有善有惡傳皆以是辭釋之貌者言其動有容儀也言者道其語有辭章也視者言其觀正不觀邪也聽者受人言察是非也思者心慮所行使行得中也傳於聽云察是非明五者皆有是非也所



為者為正不為邪也於視不言視邪正於聽言察是非亦所以互相明也○**傳**必通於微○正義曰此一**傳**言敬用之事貌戒情容故恭為嚴恪曲禮曰嚴若思儼是嚴正之貌也恪敬也貌當嚴正而莊敬也言非理則人違之故言是則可從也視必明於善惡故必清徹而審察也聽當別彼是非必微妙而審諦也王肅云睿通也思慮苦其不深故必深思使通於微也此皆敬用使然故經以善事明之鄭玄云此恭明聰睿行之於我身其從則是彼人從我以與上下違者我是而彼從亦我所為不乖刺也此據人主為文皆是人主之事說命云接下思恭視遠惟明聽德惟聰即此是也○**傳**於事至之聖○正義曰此一重言所致之事也恭在貌而敬在心人有心慢而貌恭必當緣恭以致敬故貌恭作心敬也下從上則國治故人主言必從其國可以治也視能清審則照了物情故視明致照哲也聽聰則知其是非從其是為謀必當故聽聰致善謀也睿聖俱是通名聖大而睿小緣其能通微事事無不通因睿以作聖也鄭玄周禮注

云聖通而先識也是言識事在於衆物之先無所不通以是名之為聖聖是智之上通之大也此言人主行其小而致其大皆是人生之事也鄭玄皆謂其政所致也君貌恭則臣禮肅君言從則臣職治君視明則臣照哲君聽聰則臣進謀君思睿則臣賢智鄭意謂此所致皆是君致臣也案庶徵之意休徵咎徵皆肅又所致若肅又明聰皆是臣事則休咎之所致悉皆不由君矣又聖大而睿小若君睿而致臣聖則臣皆上於君矣何不然之甚乎哲字王肅及漢書五行志皆云悉智也鄭本作哲則讀為哲


一曰**食傳**勤農業二曰**貨傳**實用物三曰**祀傳**敬鬼

神以成教四曰**司空傳**主空土以居民五曰**司徒傳**

主徒衆教以禮義六曰**司寇傳**主姦盜使無縱

反或作**七曰賓傳**禮賓客無不敬八曰**師傳**簡師所

從音同



任必良士卒必練○卒子**疏**三八政至曰師○正義

於民有八事也一曰**食**教民使勤農業也二曰**貨**教

民使求資用也三曰**祀**教民使敬鬼神也四曰**司空**

之官主空土以居民也五曰**司徒**之官教衆民以禮

義也六曰**司寇**之官詰治民之姦盜也七曰**賓**教民

以禮待賓客相往來也八曰**師**立師防寇賊以安保

民也八政如此次者人不食則死食於人最急故教

為先也有食又須衣貨為人之用故貨為二也所以

得食貨乃是明靈祐之人當敬事鬼神故祀為三也

足衣食祭鬼神必當有所安居司空主居民故司空為四也雖有所安居非禮義不立司徒教以禮義故司徒為五也雖有禮義之教而無刑殺之法則疆弱相陵司寇主姦盜故司寇為六也民不往來則無相親之好故賓為七也寇賊為害則民不安居故師為八也此用於民緩急而為次也食貨祀賓師指事為之名三卿舉官為名者三官所主事多若以一字為名則所掌不盡故舉官名以見義鄭玄云此數本諸

其職先後之宜也食謂掌民食之官若后稷者也貨
 掌金帛之官若周禮司貨賄是也祀掌祭祀之官若
 宗伯者也司空掌居民之官司徒掌教民之官若
 寇掌詰盜賊之官賓掌諸侯朝覲之官周禮大行人
 是也師掌軍旅之官若司馬也玉肅云賓掌賓客之
 官也即如鄭王之說自可皆舉官名何獨三事舉官
 也入政主以教民非謂公家之事司貨賄掌公家貨
 賄大行人掌王之賓客若其事如周禮皆掌王家之
 事非復施民之政何以謂之政乎且司馬在上司空
 在下今司空在四司馬在八非取職之先後也○**傳**
 寶用物○正義曰貨者金玉布帛之總名皆為人用
 故為用物旅焚云不貴異物賤用物是也衣則勤農
 以求之衣則蠶績以求之但貨非獨衣不可指言求
 處故云得而寶愛之孝經云謹身節用詩序云儉以
 足用是寶物也○**傳**主空土以居民○正義曰周官
 篇云司空掌邦土居四民時地利司徒掌邦敘數五
 典擾兆民司空掌邦禁詰姦慝刑暴亂周禮司徒教
 以禮義司空無縱罪人其文具矣○**傳**簡師至必練



○正義曰經言賓師當有賓師之法故傳以禮賓客
 無不敬教民待賓客相往來也師者眾之通名必當
 選人為之故傳言簡師選人為師也所任必良任良
 將也士卒必練練謂教習使知義若練金使精也論
 語以不教民戰是謂棄
 之是士卒必須練也 **四五紀一曰歲傳**所以紀四

時二日月傳所以紀一月三日日傳

辰傳二十八宿迭見以敘氣節十二辰以紀日月所

會節反見賢遍反五曰曆數傳


曆敬授民時 **疏**四五紀至曆數○正義曰五紀者五

以及明年冬至為一歲所以紀四時也二曰月從朔

至晦大月三十日小月二十九日所以紀一月也三

曰日從夜半以至明日夜半周十二辰為一日所以
 紀一日也四曰星辰星謂二十八宿昏明迭見辰謂

日月別行會於宿度從子至於丑為十二辰星以紀節氣早晚辰以紀日月所會處也五日曆數算日月行道所歷計氣朔早晚之數所以為一歲之曆凡此五者皆所以紀天時故謂之五紀也五紀不言時者以歲月氣節正而四時亦自正時隨月變非曆所推故不言時也五紀為此大者歲統月月統日星辰見於天其曰曆數總曆四者故歲為始曆為終也○
 二十至所會○正義曰二十八宿布於四方隨天轉運昏明迭見月令十二月皆紀昏旦所中之星若月令孟春昏參中旦尾中仲春昏弧中旦建星中季春昏七星中旦牽牛中孟夏昏翼中旦婺女中仲夏昏亢中旦危中季夏心中旦奎中孟秋昏虛中旦柳中孟畢中仲秋昏牽牛中孟冬昏東壁中旦軫中季冬昏婁中旦氐中皆所以敘氣節也氣節者一歲三百六十五日有餘分為十二月有二十四氣一為節氣謂月初也一為中氣謂月半也以彼迭見之星敘此月之節氣也昭七年左傳晉侯問士文伯曰多語寡人



辰而莫同何謂也辰對日月之會是謂辰會者日行遲月行疾俱循天度而右行二十九日過半月行一周天又前及日而與日會因謂會處為辰則月令孟春日在營室仲春日在奎季春日在胃孟夏日在畢仲夏日在東井季夏日在柳孟秋日在翼仲秋日在角季秋日在房孟冬日在尾仲冬日在斗季冬日在婺女十二辰所以紀日月之會處也鄭以為星五星也然十二辰所以紀日月之會處也鄭以為星五星也然五星所行下民不以為候故傳不以星為五星也○
 曆數至民時○正義曰天以積氣無形二十八宿分之為限每宿各有度數合成三百六十五度有餘日月右行循此宿度日行一度月行十三度有餘二十九日過半而月一周與日會每於一會謂之一月是一歲為十二月仍有餘十一日為日行天未周故置閏以充足若均分天度以為十二次則每次三十度有餘一次之內有節氣中氣次之所管其度多每月中氣不得在月半故聖人曆數此節氣之度使知氣

所在既得氣在之日以爲一歲之曆所以敬授民時
玉肅云日月星辰所行布而數之所以紀度數是也
歲日月星傳皆言紀曆數不言紀者曆數數上四事
爲紀所紀非獨一事故傳不得言紀但成彼四事爲
紀故通數 **五皇極皇建其有極** **傳** 大中之道大立其
以爲五耳

有中謂行九疇之義 **斂時五福用敷錫厥庶民** **傳** 斂


是五福之道以爲教用布與衆民使慕之惟時厥庶

民于汝極錫汝保極 **傳** 君上有五福之教衆民於君

取中與君以安中之善言從化凡厥庶民無有淫朋

人無有比德惟皇作極 **傳** 民有安中之善則無淫過

朋黨之惡比周之德惟天下皆大爲中正 **傳** 比毗志
反註同



傳 五皇極至作極 **傳** 正義曰皇大也極中也施政教
治下民當使大得其中無有邪僻故演之云大中

者人君爲民之主當大自立其有中之道以施教於
民當先敬用五事以斂聚五福之道用此爲教布與

衆民使衆民慕而行之在上能教如此惟是其衆民
皆效上所爲無不於汝人君取其中道而行積久漸

以成性乃更與汝人君以安中之道言皆化也若能
化如是凡其衆民無有淫過朋黨之行人無有惡相

阿比之德惟皆大爲中正之道言天下衆民盡得中
也 **傳** 大中之義 **傳** 正義曰此疇以大中爲名故

演其大中之義大中之道大立其有中欲使人主先
自立其大中乃以大中教民也凡行不迂僻則謂之

中中庸所謂從容中道論語允執其中皆謂此也九
疇爲德皆求大中是爲善之總故云謂行九疇之義

言九疇之義皆求得中非獨此疇求大中也此大中
是人君之大行故特敘以爲一疇耳 **傳** 斂是至慕


之 **傳** 正義曰五福生於五事五事得中則福報之斂
是五福之道指其敬用五事也用五事得中則各得

其福其福乃散於五處不相集聚若能五事皆敬則五福集來歸之普敬五事則是斂聚五福之道以此敬五事為教布與眾民使眾民勸慕為之福在幽冥無形可見敬用五事則能致之斂是五福正是敬用五事不言敬用五事以教而云斂是五福以為教者福是善之見者故言福以勸民欲其慕而行善也汝者箕子汝王也○**傳**君上至從化○正義曰凡人皆有善性善不能自成必須人君教之乃得為善君上既有五福之教以大中教民眾民於君取中保訓安也既學得中則其心安之君以大中教民民以大中嚮君是民與君皆以大中之善君有大中民亦有大中言從君化也○**傳**民有至中正○正義曰民有安中之善非中不與為交安中之人則無淫過朋黨之惡無有比周之德朋黨比周是不中者善多惡少則惡亦化而為善無復有不中之人惟天下皆大為中正矣

守汝則念之

傳

民哉有道有所為有所執守汝則念



錄敘之不協于極不罹于咎皇則受之

傳凡民之行

雖不合於中而不罹于咎惡皆可進用大法受之

馬力馳反又來多反行下孟反

而康而色曰予攸好德汝則錫之福

傳

汝當安汝顏色以謙下人人曰我所好者德汝則

與之爵祿

○好呼報反下遐嫁反

時人斯其惟皇之極

傳不合

於中之人汝與之福則是人此其惟大之中言可勉

進無虐禬獨而畏高明

傳

禬單無兄弟也無子曰獨

單獨者不侵虐之寵貴者不枉法畏之


○無虐馬本作亡侮禬岐

局反畏如字徐云鄭音威

疏

凡厥至高明○正義曰又說用人為官使之大中凡其眾民有道德有所

為有所執守汝為人君則當念錄敘之用之為官若未能如此雖不合於中亦不罹於咎惡此人可勉進宜以取人大法則受取之其受人之大法如何乎汝當和安汝之顏色以謙下人彼欲仕者謂汝曰我所好者德也汝則與之以福祿隨其所能用之為官是人庶幾必自勉進此其惟為大中之道又為君者無侵虐單獨而畏忌高明高明謂貴寵之人勿枉法畏之如是即為大中矣○**傳**民戢至敘之○正義曰戢斂也因上斂是五福故傳以戢言之戢文兼下三事民能斂德行智能使其身有道德其才能有所施為用心有所執守如此人者汝念錄敘之宜用之為官也○**傳**凡民至受之○正義曰不言其心正不逆邪也○**傳**凡民至受之○正義曰不合於中不罹於咎謂未為大善又無惡行是中人已上可勸勉有方將者也故皆可進用以大法受之大法謂用人之法取其所長棄瑕錄用也上文人君以大中教民使天下皆為大中此句又令不合於中亦用之者上文言設教耳其實天下之大兆民之眾不



可使皆合大中且庶官交曠即須任人不可待人盡合大中然後敘用言各有為不相妨害○**傳**汝當至爵祿○正義曰安汝顏色以謙下人其此不合於中之人此人言曰我所好者德也是有慕善之心有方將者也汝則與之爵祿以長進之上句言受之謂始受取此言與爵祿謂用為官也○**傳**不合至勉進○正義曰不合於中之人初時未合中也汝與之爵祿置之朝廷見人為善心必慕之則是人此其惟大中之道為大中之人言可勸勉使進也荀卿書云蓬生麻中不扶自直白沙在涅與之俱黑斯言信矣此經或言時人德鄭王諸本皆無德字此傳不以德為義定本無德疑衍字也○**傳**單至畏之○正義曰詩云獨行絜絜是為單謂無兄弟也無子曰獨王制文高明與絜獨相對非謂才高知寵貴之人位望高也不枉法畏之即詩所謂不畏強禦是也此經皆是據天子無陵虐絜獨而畏避高明寵貴者顧氏亦以此經據人君小劉以

人之有能有為使羞其行而邦其

昌傳

功能有為之士使進其所行汝國其昌盛

○其行如

字徐下

孟反 **凡厥正人既富方穀**

傳 凡其正直之人既當

以爵祿富之又當以善道接之汝弗能使有好于而

家時人斯其辜

傳 不能使正直之人有好於國家則

是人斯其詐取罪而去于其無好德汝雖錫之福其

作汝用咎


傳 於其無好德之人汝雖與之爵祿其為

汝用惡道以敗汝善

○其為于偽反

傳 人之至用咎○正義

人之在位者有才能有所為當褒賞之委任使進其
又復以善道接之使之荷恩盡力汝若不能使正直
之人有好善於汝國家是人於此其將詐取罪而去



矣於其無好德之人謂性行惡者汝雖與之福賜之

爵祿但本性既惡必為惡行其為汝臣必用惡道以

敗汝善言當任善而去惡○**傳** 功能至昌盛○正義

曰功能有為之士謂其身有才能所為有成功此謂

已在朝廷任用者也使進其行者謂人之有善若上

知其有能有為或以言語勞來之或以財貨賞賜之

或更任之以大位如是則其人喜於見知必當行自

進益人皆漸自修進汝國其昌盛矣○**傳** 凡其至接

之○正義曰凡其正直之人皆謂臣民有正直者爵
祿所設正直是與已知彼人正直必當授之以官既
當與爵祿富之又當以善道接之言其非徒與官而
已又當數加燕賜使其歡心也○**傳** 不能至而去
○正義曰授之以官爵加之以燕賜喜於知已荷君
恩德必進謀樹功有好善於國家若雖用為官心不
委任禮意疎薄更無恩紀言不聽計不用必將奮衣
而去不肯久留故言不能使正直之人有好於國家
則是人斯其詐取罪而去也○**傳** 於其至汝善○正
義曰無好對有好有好謂有善也無好德之人謂彼

性不好德好惡之人也論語曰未見好德如好色者傳記言好德者多矣故傳以好德言之定本作無惡者疑誤耳不好德者性行本惡君雖與之爵祿不能感恩行義其為汝臣必用惡道以敗汝善也易繫辭云无咎者善補過也咎無偏無陂遵王之義傳偏不

平陂不正言當循先王之正義以治民○陂音祕舊本作頗音普

多無有作好遵王之道無有作惡遵王之路傳言無

有亂為私好惡動必循先王之道路○好呼報反惡鳥路反註同

無偏無黨王道蕩蕩傳言開闢○闢婢必反無黨無偏王

道平平傳言辯治○平平婢縣反治直吏反無反無側王道正直

傳言所行無反道不正則王道平直會其有極歸其

有極傳言會其有中而行之則天下皆歸其有中矣

傳當無偏至有極○正義曰更言大中之體為人君者

好謬賞惡人動循先王之正路無偏私無阿黨王家所行之

道蕩蕩然開闢矣無阿黨無偏私王者所立之道平

然辨治矣所行無反道無偏側王家之道正直矣

所行得無偏私皆正直者會集其有中之道而行之

若其行必得中則天下歸其中矣言人皆謂此人為

大中之人也○傳偏不至治民正義曰不平謂高

下不正為邪僻與下好惡反側其義一也偏頗阿黨

是政之大患故箕子殷勤言耳下傳云無有亂為私

好私惡者人有私好惡則亂於正道故傳以亂言之



敷言是彝是訓于帝其訓傳曰者大其義言以大中

之道布陳言教不失其常則人皆是順矣天且其順

而況于人乎凡厥庶民極之敷言是訓是行以迄天

子之光傳凡其眾民中心之所陳言凡順是行之則

可以近益天子之光明○近附曰天子作民父母以

為天下王傳言天子布德惠之教為兆民之父母是


為天下所歸往不可不務○既言有中矣為天下所

歸更美之曰以大中之道布陳言教不使失是常道

則民皆於是順矣天且其順而況於人乎以此之故

大中為天下所歸也又大中之道至矣何但出於天

子為貴凡其眾民中和之心所陳之言謂以善言聞



於上者於是順之於是行之悅於民而便於政則可
近益天子之光明矣又本人君須大中者更美大之
曰人君於天所子布德惠之教為民之父母以是之
故為天下所歸往由大中之道教使然言人君不可
不務大
六三德一曰正直傳能正人之曲直二曰剛
中矣

克傳剛能立事○克馬三曰柔克傳和柔能治三者
云勝也

皆德平康正直傳世平安用正直治之彊弗友剛克

傳友順也世強禦不順以剛能治之○禦魚呂反變

友柔克傳變和也世和順以柔能治之○變息沈潛

剛克傳沈潛謂地雖柔亦有剛能出金石高明柔克

傳高明謂天言天為剛德亦有柔克不干四時喻臣

當執剛以正君君亦當執柔以納臣惟辟作福惟辟

作威惟辟玉食傳言惟君得專威福為美食補亦反

玉食張晏注漢書云玉食珍食也韋昭云諸侯備珍異之食臣無有作福作威玉

食臣之有作福作威玉食其害于而家凶于而國人


用側頗僻民用僭忒傳在位不敦平則下民僭差頗

普多反僻匹亦反僭子念疏曰此三德者人君之德反忒他得反馬云惡也

張弛有三也一曰正直言能正人之曲使直二曰剛克言剛強而能立事三曰柔克言和柔而能治既言

人主有三德又說隨時而用之平安之世用正直治之強禦不順之世用剛能治之和順之世用柔能治

之既言三德張弛隨時而用又舉天地之德以喻君臣之交地之德沈深而柔弱矣而有剛能出金石之



物也天之德高明剛強矣而有柔能順陰陽之氣也

以喻臣道雖柔當執剛以正君君道雖剛當執柔以

納臣也既言君臣之交剛柔遞用更言君臣之分貴

賤有恒惟君作福得專賞人也惟君作威得專罰人

也惟君玉食得備珍食也為臣無得有作福作威玉

食言政當一統權不可分也臣之有作福作威王食

者其必害於汝臣之家凶於汝君之國言將得罪喪

家且亂邦也在位之人用此大臣專權之故其行測

頗僻下民用在位頗僻之故皆言不信而行差錯傳

傳和柔至皆德傳正義曰剛不恒用有時施之故傳言立事柔則常用以治故傳言能治三德為此文者正直在剛柔之間故先言二者先剛後柔得其敘矣王肅意與孔同鄭玄以為三德人各有一德謂人臣也傳友順之名故為順也傳曰變和也釋詁文此三友是和順之名故為順也傳曰變和也釋詁文此三德是王者一人之德視世而為之故傳三者各言世世平安雖時無逆亂而民俗未和其下猶有曲者須在土以正之故世平安用正直之德治之世有強禦

不順非剛無以制之故以剛能治之世既和順風俗
又安故以柔能治之鄭玄以為人臣各有一德天子
擇使之註云安平之國使中平守一之人治之使不
失舊職而已國有不順孝敬之行則使剛能之人
誅治之其有中和之行則使柔能之人治之差正
之與孔不同○**傳**高明至納臣○正義曰中庸云博
厚配地高明配天高而明者惟有天耳知高明謂天
也以此此高明是天故上傳沈潛謂地也文五年左傳
云天為剛德猶不干時是言天亦有柔德不干四時
之序也地柔而能剛天剛而能柔故以喻臣當執剛
以正君君當執柔以納臣也○**傳**言惟至美食○正
義曰於三德之下說此事者以德則隨時而用位則
不可假人故言尊卑之分君臣之紀不可使臣專威
福尊君權也衣亦不得僭君而獨言食者人之所資
食最為重故舉言重也王肅云辟君也不言王者關
諸侯也諸侯於國得專賞罰其義或當然也○**傳**在
位至僭差○正義曰此經福威與食於君每事言辟
於臣則并文而略之也作福作威謂秉國之權勇略

張主者也人用側頗僻者謂在位小臣見彼大臣威
福由已由此之故小臣皆附下罔上為此側頗僻也
下民見此在位小臣秉心僻側用此之故下民皆不
信恆為此僭差也言在位由大臣下民由在位故皆
言用也傳不解家王肅云大夫稱家
言秉權之臣必滅家復害其國也
七稽疑擇建立

卜筮人傳龜曰卜著曰筮考正疑事當選擇知卜筮

人而建立之
音尸
乃命卜筮傳建立其人命以其職

曰雨曰霽傳龜兆形有似雨者有似雨止者
音尸
○霽子
細反

曰蒙傳蒙陰闇
○蒙武工反
曰驛傳氣落驛不連屬

○驛音亦註
同屬音燭
曰克傳兆相交錯五者卜筮之常法曰

貞曰悔傳內卦曰貞外卦曰悔凡七傳
卜筮之數十



五占用二衍忒立時人作卜筮三人占則從二人之

言傳立是知卜筮人使為卜筮之事夏殷周卜筮各

異三法並卜從二人之言善鈞從眾卜筮各三人

用二馬云占筮也衍以淺反汝則有大疑謀及乃心謀及卿士謀


及庶人謀及卜筮**傳**將舉事而汝則有大疑先盡汝

心以謀慮之次及卿士眾民然後卜筮以決之汝則

從龜從筮從卿士從庶民從是之謂大同**傳**人心和

順龜筮從之是謂大同於吉身其康彊子孫其逢吉

傳動不違眾故後世遇吉逢馬云汝則從龜從筮



從卿士逆庶民逆吉**傳**三從二逆中吉亦可舉事卿

士從龜從筮從汝則逆庶民逆吉**傳**君臣不同決之

卜筮亦中吉庶民從龜從筮從汝則逆卿士逆吉**傳**

民與上異心亦卜筮以決之汝則從龜從筮逆卿士

逆庶民逆作內吉作外凶**傳**二從三逆龜筮相違故


可以祭祀冠婚不可以出師征伐冠官龜筮共違

于人**傳**皆逆用靜吉用作凶**傳**安以守常則吉動則

凶疏七稽至之言○正義曰稽疑者言王者考正疑


立為卜人筮人之官也既立其官乃命以卜筮之職

雲兆氣蒙闇也曰圍兆氣落驛不連屬也曰克兆相
 交也筮卦有二重二體乃成一卦曰貞謂內卦也曰
 悔謂外卦也卜筮兆卦其法有七事其卜兆用五兩
 霽蒙驛克也其筮占用二貞與悔也卜筮皆就此七
 者推衍其變立是知卜筮人使作卜筮之官其卜筮
 必用三代之法三人占之若其所占不同而其善鈞
 者則從二人之言言以此法考正疑事也○**龜**曰
 至立之○正義曰龜曰卜著曰筮曲禮文也考正疑
 事當選擇知卜筮人而建立之建亦立也復言之耳
 鄭王皆以建立為二言將考疑事選擇可立者立為
 卜人筮人○**傳**兆相至常法○正義曰此上五者灼
 龜為兆其壘拆形狀有五種是卜兆之常法也說文
 云霽雨止也霽似雨止則雨似雨下鄭玄曰霽如雨
 止者雲在上也霽聲近蒙詩云零雨其濛則蒙是闇
 之義故以霽為兆蒙是陰闇也圍即驛也故以為兆
 氣落驛不連屬落驛希疎之意也雨霽既相對則蒙
 驛亦相對故驛為落驛氣不連屬則霽為氣連蒙闇
 也王肅云圍霍驛消滅如雲陰霽天氣下地不應闇




冥也其意如孔言鄭玄以圍為明言色澤光明也霽
 者氣澤鬱鬱冥冥也自以明闇相對異於孔也克謂
 兆相交錯王肅云兆相侵入蓋兆為二拆其拆相交
 也鄭玄云克者如雨氣色相侵入卜筮之事體用難
 明故先儒各以意說未知孰得其本今之用龜其兆
 橫者為土立者為木斜向徑者為金背徑者為火因
 兆而細曲者為水不知與此五者同異如何此五兆
 不言一曰二曰者灼龜所遇無先後也○**傳**內卦至
 曰悔○正義曰僖十五年左傳云秦伯伐晉卜徒父
 筮之其卦遇蠱蠱卦與下艮上說卦云巽為風艮為
 山其占云蠱之貞風也其悔山也是內卦為貞外卦
 為悔也筮法爻從下起故以下體為內上體為外下
 體為本因而重之故以下卦為貞貞正也言下體是
 其正鄭玄云悔之言晦晦猶終也晦是月之終故以
 為終言上體是其終也下體言正以見上體不正上
 體言終以見下體為始二名互相明也○**傳**立是至
 三人○正義曰此經十五占用二衍忒孔不為傳鄭
 玄云十五占用謂兩霽蒙驛克也二衍忒謂貞悔也

斷用從上句二衍忒者指謂筮事王肅云卜五者筮短龜長故卜多而筮少占用二者以貞悔占六爻衍忒者當推衍其爻義以極其意十五占二其義當如王解其衍忒宜總謂卜筮皆當衍其義極其變非獨筮衍而卜否也傳言立是知卜筮人使為卜筮之事者言經之此文覆述上句立卜筮人也言三人占是占此卜筮法當有三人周禮太卜掌三兆之法一曰玉兆二曰瓦兆三曰原兆掌三易之法一曰連山二曰歸藏三曰周易杜子春以為玉兆帝顓頊之兆瓦兆帝堯之兆又云連山處犧歸藏黃帝三兆三易皆非夏殷而孔意必以三代夏殷周法者以周禮指言一曰二曰不辯時代之名案考工記云夏曰世室殷曰重屋周曰明堂又禮記郊特牲云夏收殷擘周冕皆以夏殷周三代相因明三易亦夏殷周相因之法子春之言孔所不取鄭玄易贊亦云夏曰連山殷曰歸藏與孔同也所言三兆三易必是三代異法故傳以為夏殷周卜筮各異三代異法三法並卜法有一人故三人也從二人之言者二人為善既鈞故從衆



也若三人之內賢智不等雖少從賢不從衆也善鈞從衆成六年左傳文既言三法並卜嫌筮不然故又云卜筮各三人也經惟言三占從二何知不一法而三占而知三法並用者金縢云乃卜三龜一習吉儀禮士喪卜葬占者三人貴賤俱用三龜知卜筮並用三代法也○傳將舉至決之○正義曰非有所舉則自不卜故云將舉事事有疑則當卜筮人君先盡已心以謀慮之次及卿士衆民人謀猶不能定然後問卜筮以決之故先言乃心後言卜筮也鄭玄云卿士六卿掌事者然則謀及卿士以卿為首耳其大夫及士亦在焉以下惟言庶人明大夫及士寄卿文以見之矣周禮小司寇掌外朝之政以致萬民而詢焉一曰詢國危二曰詢國遷三曰詢立君是有大疑而詢衆也又曰小司寇以敘進而問焉是謀及之也大疑者不要是彼三詢其謀及則同也謀及庶人必是大事若小事不必詢於萬民或謀及庶人在官者耳小司寇又曰以三刺斷庶民獄訟之中一曰訊羣臣二曰訊羣吏三曰訊萬民彼羣臣羣吏分而為二此惟

言卿士者彼將斷獄令眾議然後行刑故臣與民為
 三其人主待眾議而決之此則人主自疑故一人主
 為一又摠羣臣為一也。○**傳**人心至於吉。○正義曰
 人主與卿士庶民皆從是人心和順也此必臣民皆
 從乃問卜筮而進龜筮於上者尊神物故先言之不
 在汝則之上者卜當有主故以人為先下三事亦然
 改卜言龜者卜是請問之意吉凶龜占兆告於人故
 改言龜也筮則本是著名故不須改也。○**傳**動不至
 遇吉。○正義曰物貴和同故大同之吉延及於後宣
 三年左傳稱成王定鼎卜世三十卜年七百是後世
 遇吉。○**傳**三從至舉事。○正義曰此與下二事皆是
 三從二逆除龜筮以外有汝與卿士庶民分三者各
 為一從二逆嫌其貴賤有異從逆或殊故三者各以
 有一從為主見其為吉同也方論得吉以從者為主
 故次言卿士從下言庶民從也。○**傳**庶民從者君臣
 於下傳解其意卿士從者君臣不同也庶民從者民
 與上異心也解臣民與君異心得其筮之意也不言
 四從一逆者吉可知不假言之也。四從之內雖龜筮



相違亦為吉以其從者多也若三從之內龜筮相違
 雖不如龜筮俱從猶勝下龜筮相違二從三逆必知
 然者以下傳云一從三逆龜筮同卿士之數者是龜筮
 明從多則吉故杜預云龜筮同卿士之數者是龜筮
 雖靈不至越於人也。○**傳**上言庶民又言庶民者嫌庶人
 惟指在官者變人言民見其同也民人之賤得與卿
 士敵者貴者雖貴未必謀慮長故通以民為一令與
 君臣等也。○**傳**民與至決之。○正義曰天子聖人庶
 民愚賤得為識見同者但聖人生知不假卜筮垂教
 作訓晦跡同凡且庶民既眾以眾情可否亦得上敵
 於聖人老子云聖人無常心以百姓心為心是也。○
傳二從至征伐。○正義曰此二從三逆為小吉故猶
 可舉事內謂國內故可以祭祀冠婚外謂境外故不
 可以出師征伐征伐事大此非大吉故也。此經龜從
 筮逆其筮從龜逆為吉亦同故傳言龜筮相違見龜
 筮之智等也若龜筮智等而僖四年左傳云筮短龜
 長者於時晉獻公欲以驪姬為夫人卜既不吉而更
 令筮之神靈不以實告筮之得吉必欲用之卜人欲

命公舍筮從卜故曰筮短龜長非是龜實長也易繫辭云著之德圓而神卦之德方以智神以知來智以藏往然則知來藏往是為極妙雖龜之長無以加此聖人演筮為易所知豈是短乎明彼長短之說乃是為有言耳此二從三逆以汝與龜為二從耳卿士庶民謀有一從亦是二從凶吉亦同故不復設文同可知也若然汝卿士庶民皆逆龜筮並從則亦是二從三逆而經無文者若君與臣民皆逆本自不問卜矣何有龜從筮從之理也前三從之內龜筮既從君與卿士庶民各有一從或以配龜筮凡有三條若惟君與卿士從配龜為一條或君與庶民從配龜又為一條或卿士庶民從配龜又為一條凡有三條若筮從龜或卿士庶民從配龜又為一條凡有三條若筮從龜逆其事亦然二從三逆君配龜從為一條於經已具卿士配龜從為二條庶民配龜從為三條若筮從龜而後卜鄭玄云於筮之凶則止何有筮逆龜從及龜筮俱違者崔靈恩以為筮用三代之占若三占之俱主凶則止不卜即鄭注周禮筮凶則止是也若三占



二逆一從凶猶不決雖有筮逆猶得更卜故此有筮逆龜從之事或筮凶則止而不卜乃是鄭玄之意非是周禮經文未必孔之所取曲禮云卜筮不相襲鄭云卜不吉則又筮筮不吉則又卜是謂瀆龜筮周禮大小卜小事筮大事卜應筮而用卜應卜而又用筮及國之大事先筮後卜不吉之後更作卜筮如此之等是為相襲皆據吉凶分明不可重為卜筮若吉凶未決於事尚疑者則得更為卜筮僖二十五年晉侯卜納王得阪泉之兆曰吾不堪也公曰筮之遇大有之睽又哀九年晉趙鞅卜救鄭遇水適火又筮之遇泰之需之類是也周禮既先筮後卜而**八庶徵**春秋時先卜後筮者不能依禮故也**庶徵**曰庶衆也徵驗也王者用九疇為大中行稽疑以上為善政則衆驗有美惡以為人主自曰雨至一極無凶總言五氣之驗有美有惡曰休徵敘美行之驗曰咎徵敘惡行之驗自曰王省至家用平康言政善致美也日月歲時至家用不寧言政惡致咎也**曰雨曰庶民惟星**以下言人君當以常度齊正下民**曰雨曰**

暘曰燠曰寒曰風曰時傳雨以潤物暘以乾物燠以

長物寒以成物風以動物五者各以其時所以為衆

驗○暘音陽乾音干煖乃管反長之丈反五者來備各以其敘庶草蕃

庶傳言五者備至各以次序則衆草蕃滋庶豐也音煩庶無甫

反徐莫柱反一極備凶一極無凶傳一者備極過甚

則凶一者極無不至亦凶謂不時失敘疏曰雨至無

曰將說其驗先立其名五者行於天地之間人物所

以得生成也其名曰雨所以潤萬物也曰暘所以乾

萬物也曰燠所以長萬物也曰寒所以成萬物也曰

風所以動萬物也此是五氣之名曰時言五者各以

時來所以為衆事之驗也更述時與不時之事五者

於是來皆備足須風則風來須雨則雨來其來各以



次序則衆草木蕃滋而豐茂矣謂來以時也若不

時五者之內一者備極過甚則凶一者極無不至亦

凶雨多則澇雨少則旱是備極亦凶極無亦凶其餘

四者亦然○傳雨以至衆驗○正義曰易說卦云風

以散之雨以潤之日以烜之日暘也烜乾也是雨以

潤物暘以乾物風以動物也易繫辭云寒往則暑來

暑往則寒來寒暑相推而歲成焉是言天氣有寒有

暑暑是長物而寒成物也釋言云燠煖也舍人曰燠溫


煖也是燠煖為一故傳以煖言之不言暑而言燠者

燠是熱之始暑是熱之極涼是冷之始寒是冷之極

長物舉其始成物舉其極理宜然也五者各以其時

而至所以為衆事之驗也所以言時者謂當至則來

文與彼同彼言晦明此言寒燠則晦是寒也明是燠也惟彼陰於此無所當耳五行傳說五事致此五氣云貌之不恭是謂不肅厥罰恒雨惟金沴木言之不從是謂不乂厥罰恒暘惟木沴金視之不明是謂不哲厥罰恒燠惟木沴火聽之不聰是謂不謀厥罰恒寒惟火沴水思之不睿是謂不聖厥罰恒風惟木金水火沴土如彼五行傳言是雨屬木暘屬金燠屬火寒屬水風屬土鄭云雨木氣也春始施生故木氣為雨暘金氣也秋物成而堅故金氣為暘燠火氣也寒水氣也風土氣也凡氣非風不行猶金木水火非土不處故土氣為風是用五行傳為說孔意亦當然也六氣有陰五事休咎皆不致陰五行傳又曰皇之不極厥罰常陰是陰氣不由五事別自屬皇極也蓋立用大中則陰順時為休大之不中陰恆若為咎也○**傳**言五至庶豐○正義曰五氣所以生成萬物正可時來時去不可常無常有故言五者備至各以次序須至則來須止則去則眾草百物蕃滋庶豐也釋詁文庶豐茂也草蕃廡言草滋多而茂盛也下言百穀



用成此言眾草蕃廡者舉草茂盛則穀成必矣舉輕以明重也○**傳**一者至矢敘○正義曰此謂不以時來其至無次序也一者備極過甚則凶謂來而不去也一者極無不至亦凶謂去而不來也即下云恆雨若恆風若之類是也有無相刑去來正反恆雨則無暘恆寒則無燠恆雨亦凶無暘亦凶恆寒亦凶無燠亦凶謂至不待時失次序也○**傳**敘美行之驗如此則草不茂穀不成也○**傳**敘美行之驗○行下○**傳**曰肅時雨若君行敬則時雨順之曰又時孟反○**傳**曰肅時雨若君行敬則時雨順之曰又時

暘若君行政治則時暘順之○治直吏反下○**傳**曰哲

時燠若君能照哲則時燠順之○哲之設反徐○**傳**曰

謀時寒若君能謀則時寒順之○**傳**曰聖時風若君

能通理則時風順之○**傳**曰休徵至風若○正義曰既言五者次序覆述次序之事

曰美行致以時之驗何者是也曰人君行敬則雨以時而順之曰人君政治則暘以時而順之曰人君照哲則燠以時而順之曰人君謀當則寒以時而順之曰人君通聖則風以時而順之此則致上文各以其次序庶草蕃庶也

曰咎徵傳 敘惡行之驗 九反 曰狂恆雨

若君行狂疾則常雨順之曰僭恆暘若君行僭


差則常暘順之曰豫恆燠若君行逸豫則常燠順之

之徐又音舒 曰急恆寒若君行急則常寒順之

曰蒙恆風若君行蒙闇則常風順之 曰咎徵至

義曰上既言失次序覆述失次序之事曰惡行致備極之驗何者是也曰君行狂妄則常雨順之曰君行

僭差則常暘順之曰君行逸豫則常燠順之曰君行急燥則常寒順之曰君行蒙闇則常風順之此即致



上文一極備凶一極無凶也 君行至順之 正義曰此休咎皆言若者其所致者皆順其所行故言

若也易文言云雲從龍風從虎水流濕火就燥是物各以類相應故知天氣順人所行以示其驗也其咎

反於休者人君行不敬則狂妄故狂對肅也政不治則僭差故僭對乂也明不照物則行自逸豫故豫對

哲也心無謀慮則行必急躁故急對謀也性不通曉則行必蒙闇故蒙對聖也鄭玄以狂為倨慢以對不

敬故為慢也鄭王本豫作舒鄭云舉遲也王肅云舒惰也以對照哲故為遲惰鄭云急促自用也以謀者

用人之言故急為自用已也鄭云蒙見冒亂也王肅云蒙瞽蒙以聖是通達故蒙為瞽蒙所見冒亂言其

不曉事與聖反也 曰王省惟歲 王所省職兼所總與孔各小異耳

羣吏如歲兼四時 卿士惟月 卿士各有所

掌如月之有別 別彼 師尹惟日 眾正官之吏分

治其職如日之有歲月歲月日時無易傳各順常百

穀用成又用明傳歲月日時無易則百穀成君臣無

易則政治明俊民用章家用平康傳賢臣顯用國家

平寧日月歲時既易傳是三者已易喻君臣易職百

穀用不成又用昏不明俊民用微家用不寧傳君失

其柄權臣擅命治闇賢隱國家亂疏曰王省至不寧

五事之休咎又言皇極之得失與上異端更復言曰


王之省職兼總羣吏惟如歲也卿士分居列位惟如

月也衆正官之長各治其職惟如日也此王也卿士

也師尹也掌事猶歲月日者言皆無改易君秉君道

臣行臣事則百穀用此而成歲豐稔也其治用是而

明世安泰也俊民用此而章在官位也國家用此而



平安風俗和也若王也卿士也師尹也掌事猶如日

月歲者是已變易君失其柄權臣各專恣百穀用此

而不成歲饑饉也其治用此昏闇而不明政事亂也

俊民用此而卑微皆隱遁也國家用此而不安泰時

世亂也此是皇極所致得中則致善不中則致惡歲

月日無易是得中也既易是不中也所致善惡乃大

於庶徵故於此敘之也傳王所至四時傳正義曰

下云庶民惟星以星喻民知此歲月日者皆以喻職

事也於王言省則卿士師尹亦為省也王之省職

無不兼所總羣吏如歲兼四時下句惟有月日羣臣

無喻時者但時以統月故傳以四時言之言其兼下

月日也傳衆正至歲月傳正義曰師衆也尹正也

衆正官之吏謂卿士之下有正官大夫與其同類之

官為長周禮大司樂為樂官之長太卜為卜官之長

此之類也此等分治其職屬王屬卿如日之有歲月

言其有繫屬也詩稱赫赫師尹乃謂三公之官此以

師尹為正官之吏謂大夫者以此師尹之文在卿士

之下卑於卿士知是大夫與小官為長亦是衆官之

尚書疏

卷之三

漢書

三十一

及古

長故師尹之名同耳鄭云所以承休徵咎徵言之者
休咎五事得失之應其所致尚微故大陳君臣之象
成皇極之事其道得則其美應如此其道失則敗德如彼非徒風雨寒燠而已是也
庶民惟星

星有好風星有好雨
星民象故眾民惟若星箕星

好風畢星好雨亦民所好
報反
日月之行則有冬

有夏
日月之行冬夏各有常度君臣政治大小各

有常法**月之從星則以風雨**
月經於箕則多風離

於畢則多雨政教失常以從民欲亦所以亂
至庶民


雨○正義曰既言大中治民不可改易又言民各有
心須齊正之言庶民之性惟若星然星有好風星有

好雨以喻民有好善亦有好惡日月之行則有冬有
夏言日月之行冬夏各有常道喻君臣為政小大各



有常法若日月失其常道則天氣從而改焉月之行
度失道從星所好以致風雨喻人君政教失常從民
所欲則致國亂故當立用大中以齊正之不得從民
欲也○**星民至所好**○正義曰星之在天猶民之
在地星為民象以其象民故因以星喻故眾民惟若
星也直言星有好風不知何星故云箕星好風也畢
星好雨亦如民有所好也不言畢星好雨具於下傳
○**日月至常法**○正義曰日月之行四時皆有常
法變冬夏為南北之極故舉以言之日月之行冬夏
各有常度喻人君為政小大各有常法張衡蔡雍王
蕃等說渾天者皆云周天三百六十五度四分度之
一天體圓如彈丸北高南下北極出地上三十六度
南極入地下三十六度北極去南極直徑一百二十
二度弱其依天體隆曲南極去北極一百八十二度
疆正當天之中央南極二極中等之處謂之赤道去
南北極各九十一度春分日行赤道從此漸北夏至
赤道之北二十四度去北極六十七度去南極一百
一十五度日行黑道從夏至日以後日漸南至秋分

還行赤道與春分同冬至行赤道之南二十四度去南極六十七度去北極一百一十五度其日之行處謂之黃道又有月行之道與日道相近交路而過半在日道之裏半在日道之表其當交則兩道相合交去極遠處兩道相去六度此其日月行道之大略也王肅云日月行有常度君臣禮有常法以齊其民○**傳**月經至以亂○正義曰詩云月離于畢俾滂沱矣是離畢則多雨其文見於經經筭則多風傳記無其事鄭玄引春秋緯云月離於箕則風揚沙作緯在孔君之後以前必有此說孔依用之也月行雖有常度時或失道從星經筭多風離畢多雨此天象之自然以箕爲簸揚之器畢亦捕魚之物故耳鄭以爲箕星好風者箕東方木宿風中央土氣木克土爲妻從妻所好故好風也畢星好雨者畢西方金宿雨東方木氣金克木爲妻從妻所好故好雨也推此則南宮好嗚北宮好燠中宮四季好寒以各尚妻之所好故也未知孔意同否顧氏所解亦同於鄭言從星者謂不應從而從以致此風雨故喻政教失常以從民欲亦



所以亂也上云日月之行此句惟言月者鄭云不言日者日之從星不可見故也 **九五福一**

日壽傳百二十年**二曰富傳**財豐備**三曰康寧傳**無

疾病**四曰攸好德傳**所好者德福之道**五曰考終命**

傳各成其短長之命以自終不橫夭 橫華孟反又如字 **六極**

一曰凶短折傳動不遇吉短未六十折未二十言辛

苦 凶馬云終也折時設反又之舌反 **二曰疾傳**常抱疾苦**三曰憂傳**


多所憂**四曰貧傳**困於財**五曰惡傳**醜陋**六曰弱傳**

厄劣 厄鳥黃反 **疏**九五福至曰弱○正義曰五福者謂

也二曰富家豐財貨也三曰康寧無疾病也四曰攸好德性所好者美德也五曰考終命成終長短之命

尚書疏 卷之十三 三十三 及古用

不橫天也六極謂窮極惡事有六一曰凶短折遇凶而橫天性命也二曰疾病三曰憂常多憂四曰貧困乏於財五曰惡貌狀醜陋六曰弱志力厄劣也五福六極天實得為之而歷言此者以人生於世有此福極為善致福為惡致極勸人君使行善也五福六極如此次者鄭云此數本諸其尤者福是人之所欲以尤欲者為先極是人之所惡以尤所不欲者為先以下緣人意輕重為次耳○**傳**百二十年○正義曰人之大期百年為限世有長壽云百二十年者故傳以最長者言之未必有正文也○**傳**所好至之道○正義曰人所嗜好稟諸上天性之所好不能自巳好善者或當知善是善好惡者不知惡之為惡謂惡是善故好之無厭任其所好而觀之所好者德是福之道也好德者天使之然故為福也鄭云民皆好有德也王肅云言人君所好者道德為福洪範以人君為主上之所為下必從之人君好德故民亦好德事相通也○**傳**各成至橫天○正義曰成十三年左傳云民受天地之中以生所謂命也能者養之以福



不能者敗以取禍是言命之短長雖有定分未必能遂其性不致夭枉故各成其短長之命以自終不橫天者亦為福也○**傳**動不至辛苦○正義曰動不遇吉者解凶也傳以壽為百二十年短者半之為未六十折又半為未三十辛苦者味也辛苦之味入口猶困厄之在身故謂殃厄勞役之事為辛苦也鄭玄以為凶短折皆是天枉之名未亂曰凶未冠曰短未婚曰折漢書五行志云傷人曰凶禽獸曰短草木曰折一曰凶天是也兄喪弟曰短父喪子曰折並與孔不同○**傳**厄劣○正義曰厄劣並是弱事為筋力弱亦為志氣弱鄭玄云愚懦不毅曰弱言其志氣弱也五行傳有致極之文無致福之事鄭玄依書傳云凶短折思不睿之罰疾視不明之罰憂言不從之罰貧聽不聰之罰惡貌不恭之罰弱皇不極之罰反此而云王者思睿則致壽聽聰則致富視明則致康寧言從則致攸好德貌恭則致考終命所以然者不但行運氣性相感以義言之以思睿則無擁神安而保命故壽若蒙則不通殤神天性所以短折也聽聰則謀

當所求而會故致富違而失計故貧也視明照了性
得而安寧不明以擾神而疾也言從由於德故好者
德也不從而無德所以憂耳貌恭則容儼形美而成
性以終其命容毀故致惡也不能為大中故所以弱
也此亦孔所不同焉此福極之文雖主
於君亦兼於下故有貧富惡弱之等也

武王既勝殷邦諸侯班宗彝

傳 賦宗廟彝器酒罇賜諸

侯 ○ 班本又作分器 **傳** 言諸侯尊卑各有分也亡分

扶問反 **疏** 武王至分器 ○ 正義曰武王既以勝殷制


班賦宗廟彝器以賜之於時有言誥戒勅史敘其事

侯者立邦國封人為諸侯也樂記云封有功者為諸

侯詩賚序云大封於廟謂此時也釋言云班賦也周

禮有司尊彝之官鄭云彝亦尊也鬱鬯曰彝彝法也

言為尊之法正然則盛鬯者為彝盛酒者為尊皆祭



宗廟之酒器也分宗廟彝器酒罇以賦諸侯既封乃

賜之也 **傳** 言諸至也亡 ○ 正義曰篇名分器知其

昔我先王能釋與呂伋王孫牟燮父禽父並事康王

四國皆有分我獨無十五年傳曰諸侯之封也皆受

明器於王室杜預云謂明德之分器也是諸侯各有

分也

亡

尚書註疏卷第十二

尚書註疏卷第十三

漢孔氏傳

唐孔穎達疏

旅獒第七

周書

西旅獻獒

西戎遠國貢大犬

○獒五羔反馬云作豪酋豪也

大保作

旅獒傳

召公陳戒

○召時照反後召公皆例此

旅獒傳

因獒而陳道義

疏

西旅至旅獒○正義曰西方之戎有國名旅者

遣獻其大犬其名曰獒

於是犬保召公因陳戒史敘其事作旅獒